

ք.Ստեփանակերտ

«Հարկերի մասին» Լեռնային Ղարաբաղի Հանրապետության օրենքի 31-րդ հոդվածով նախատեսված վաղեմության ժամկետի կասեցման համար հիմք հանդիսացող արձանագրության կազմման կարգը հաստատելու մասին

«Հարկերի մասին» Լեռնային Ղարաբաղի Հանրապետության օրենքի 31-րդ հոդվածի 2-րդ մասի համաձայն՝ Լեռնային Ղարաբաղի Հանրապետության Կառավարությունը որոշում է.

1. Հաստատել «Հարկերի մասին» Լեռնային Ղարաբաղի Հանրապետության օրենքի 31-րդ հոդվածով նախատեսված վաղեմության ժամկետի կասեցման համար հիմք հանդիսացող արձանագրության կազմման կարգը (կցվում է):

2. Սահմանել, որ սույն որոշմամբ հաստատված կազին համապատասխան կազմված արձանագրությունը հիմք է «Հարկերի մասին» Լեռնային Ղարաբաղի Հանրապետության օրենքի 31-րդ հոդվածով նախատեսված վաղեմության ժամկետի կասեցման համար:

3. Սույն որոշմամբ հաստատված կարգի կատարման նկատմամբ վերահսկողությունը Լեռնային Ղարաբաղի Հանրապետության հարկային օրենսդրությանը համապատասխան իրականացնում է Լեռնային Ղարաբաղի Հանրապետության հարկային պետական վարչությունը:

ԼՂՀ ՎԱՐՉԱՊԵՏ

Ա. ՂԱՆԻԵԼՅԱՆ

Կ Ա Ր Գ

«Հարկերի մասին» ԼՂՀ օրենքի 31-րդ հոդվածով նախատեսված վաղեմության ժամկետի կասեցման համար հիմք հանդիսացող արձանագրության կազմման

1. Սույն կարգով սահմանվում է «Հարկերի մասին» Լեռնային Ղարաբաղի Հանրապետության օրենքի 31-րդ հոդվածի 1-ին մասով նախատեսված, վաղեմության ժամկետի կասեցման համար հիմք հանդիսացող հանգամանքները և կազմվող արձանագրության ձևը (կցվում է):

2. Սույն կարգով նախատեսված արձանագրությունը կազմվում է հարկ վճարողի, հարկ վճարողի պաշտոնատար անձի (անձանց) բացակայության դեպքում կամ երբ վերջիններիս այլ գործողությունների (անգործության) հետևանքով հարկային մարմինների կողմից ստուգման (կամ այլ կերպ հարկային պարտավորությունների հաշվարկման) փորձը ձախողվել է:

3. Սույն կարգով նախատեսված արձանագրությունը կազմում է հարկատուի մոտ ստուգում իրականացնելու (կամ այլ կերպ հարկային պարտավորությունները հաշվարկելու) լիազորություն ունեցող պաշտոնատար անձը՝ 2 ընթերակաների մասնակցությամբ:

4. Արձանագրության մեջ պարտադիր նշվում են՝

- ✓ արձանագրությունը կազմելու վայրը, ամիս, ամսաթիվը և ժամանակը,
- ✓ արձանագրությունը կազմող անձի անունը, ազգանունը, հայրանունը և զբաղեցրած պաշտոնը,
- ✓ ընթերակաների անունը, ազգանունը, հայրանունը, հասցեն, հեռախոսի համարը,
- ✓ այն գործողությունները, որոնք պետք է իրականացնել հարկային մարմնի պաշտոնատար անձը, դրանց կատարման համար հիմք հանդիսացող իրավական ակտերը,
- ✓ տեղեկություններ այն հարկատուի մասին, ում վերաբերյալ կազմվել է արձանագրությունը (անվանումը, կազմակերպարավական տեսակը, գտնվելու վայրը և այլն),
- ✓ այն հանգամանքները և դրանց համապատասխան ձեռնարկված միջոցառումները, որոնց հետևանքով կազմվել է արձանագրությունը,
- ✓ հղում այն իրավական ակտերին, որոնց հիման վրա կազմվում է արձանագրությունը,
- ✓ արձանագրությունը կազմող պաշտոնատար անձի և ընթերակաների ստորագրությունները:

5. Սույն կարգով նախատեսված արձանագրությունը կազմելու պահից «Հարկերի մասին» Լեռնային Ղարաբաղի Հանրապետության օրենքի 31-րդ հոդվածի 1-ին մասով նախատեսված վաղեմության ժամկետը համարվում է կասեցված:

6. Սույն կարգի 2-րդ կետով նախատեսված կասեցման հիմքերի դադարեցումից հետո հարկային մարմինների համապատասխան պաշտոնատար անձանց կողմից նախատեսված գործողությունները կատարելու հետևանքով կազմված փաստաթղթերը հիմք են հանդիսանում «Հարկերի մասին» Լեռնային Ղարաբաղի Հանրապետության օրենքի 31-րդ հոդվածի 1-ին մասով նախատեսված վաղեմության ժամկետը շարունակելու համար:

ԼԵՈՒՆԱՅԻՆ ԴԱՐԱԲԱՅԻ ՀԱՆՐԱՊԵՏՈՒԹՅՈՒՆ
ՀԱՐԿԱՅԻՆ ՊԵՏԱԿԱՆ ՎԱՐՉՈՒԹՅՈՒՆ
ԱՐՁԱՆԱԳՐՈՒԹՅՈՒՆ
ՎԱՐԵՄՈՒԹՅԱՆ ԺԱՄԿԵՏԸ ԿԱՍԵՑՆԵԼՈՒ ՄԱՍԻՆ

« _____ » _____ 200 թ

_____ *արձանագրությունը կազմելու վայրը*

Ես _____ *արձանագրությունը կազմողի պաշտոնը, անունը, աղգանունը, հայրանունը*
մասնակցությամբ ընթերականեր. _____

_____ *անունը, ազգանունը, հասցեն, հեռախոսի համարը*

_____ *անունը, ազգանունը, հասցեն, հեռախոսի համարը*

_____ *անունը, ազգանունը, հասցեն, հեռախոսի համարը*

համաձայն _____ *համապատասխան նորմատիվ իրավական ակտը*

Ժամը _____ ին _____ ներկայացա _____ *տնտեսվարող սուբյեկտի հասցեն և այլ տվյալներ*

նպատակ ունենալով իրականացնել _____ *գործողությունների տեսակը*

տեղում պարզեցի, որ _____ *առկա վիճակը և ձեռնարկված միջոցառումները*

որի հետևանքով, ղեկավարվելով ԼՂՀ «Հարկերի մասին» օրենքի 31-րդ հոդվածի 2-րդ մասով, կազմեցի սույն արձանագրությունը:

Սույն արձանագրության կազմման պահից ԼՂՀ «Հարկերի մասին» օրենքի 31-րդ հոդվածի 1-ին մասով նախատեսված վաղեմության ժամկետը համարվում է կասեցված:

Ընթերականեր. _____ *անուն, ազգանուն*

_____ *ստորագրություն*

_____ *անուն, ազգանուն*

_____ *ստորագրություն*

Արձանագրությունը

կազմեց.

_____ *պաշտոնը, անունը, ազգանունը*

_____ *ստորագրություն*